James Hogg (1770-1835)

5 The Gude Greye Katt

There wase ane katt, and ane gude greye katt, That duallit in the touir of Blain; And mony haif hearit of that gude katt,	
That neuir shall heare agayn.	
Scho had ane brynd upon her backe,	5
And ane brent abone hir bree;	
Hir culoris war the merilit heuis	
That dappil the krene berrye.	
But scho had that withyn hir ee	
That man may neuir declaire,	10
For scho had that withyn hir ee	
Quhich mortyl dochtna beare.	
Sumtymis ane ladye sochte the touir,	
Of rych and fayre beautye;	
Sumtymis ane maukyn cam therin,	15
Hytchyng rycht wistfullye.	
But quhan they serchit the touir of Blain,	
And socht it sayre and lang,	
They fande nocht but the gude greye katt	
Sittyng thrummyng at hir sang;	20
And up scho rase aud pacit hir wayis	
Full stetlye ower the stene,	
And streikit out hir braw hint-leg,	
As nocht at all had bene.	
Weil mocht the wyfis in that kintrye	25
Rayse up ane grefous stir,	
For neuir ane katt in all the lande	
Durst moon or melle wyth hir.	

Quhaneuir theye lukit in her fece, Their fearis greue se ryfe, Theye snirtit and theye yollit throu frychte, And rann for dethe and lyfe.	30
The Lairde of Blain he had ane spouis, Beth cumlye, gude, and kynde; But scho had gane to the landis of pece, And left him sad behynde;	35
He had seuin dochteris all se fayre, Of mayre than yerdlye grece, Seuin bonnyer babyis neuir braithit ayre, Or smylit in parentis fece.	40
Ane daye, quhan theye war all alane, He sayde with hevye mene; "Quhat will cum of ye, my deire babyis, Now quhan your moderis gene?	
"O quha will leide your tendyr myndis The pethe of ladyhoode, To thynke as ladye ocht to thynke, And feele as mayden sholde?	45
"Weil mot it kythe in maydenis mynde, And maydenis modestye, The want of hir that weil wase fit For taske unmeite for me!"	50
But up then spak the gude greye katt That satt on the herthe stene, "O hald yer tung, my deire maister, Nor mak se sayre ane mene:	55
"For I will breide your seuin dochteris, To winsum ladyhoode; To thynke as ladyis ocht to thynke, And feile as maydenis sholde.	60
"I'll breide them fayre, I'll breide them free	

From every seye of syn, Fayre as the blumyng roz withoute, And pure in herte withyn."	
Rychte sayre astoundit wase the lairde, Ane frychtenit man wase he; But the sueite babyis war full faine, And chicklit joifullye.	65
May Ella tooke the gude greye katt Rychte fondlye on hir knee; "And hethe my pussye lernit to speike? I troue scho lernit of me."	70
The katt, scho thrummyt at hir sang, And turnit hir haffet sleike, And drewe hir bonnye bassenyt side Againste the babyis cheike.	75
But the lairde he was ane cunnyng lairde, And he saide with spechis fayre, "I haif a feste in hall to nychte, Sueite pussye, be you there."	80
The katt scho set ane luke on him, That turnit his herte til stene; "If you haif feste in hall to nychte, I shall be there for ane."	
The feste wase laide, the tabil spread With rych and nobil store, And there wase set the byschope of Blain, With all his holy kore;	85
He wase ane wyce and wylie wychte Of wytch and warlockrye, And mony ane wyfe had byrnit to coome, Or hangit on ane tre.	90
He kenit their merkis and molis of hell, And made them joifully	

Ryde on the reid-het gad of ern, Ane plesaunt sycht to se.	95
The byschope said ane holye grace, Unpatiente to begyn, But nathyng of the gude greye katt Was funde the touir withyn;	100
But in there cam ane fayre ladye Cledd in the sylken sheene, Ane winsumer and bonnyer may On yerde was neuir seene.	
Scho tuke her sete at tabil heide, With courtlye modestye, Quhill ilken bosome byrnit with lufe, And waulit ilken ee.	105
Sueite was hir voyce to all the ryng, Unlesse the Lairde of Blain, For he had hearit that very voyce From off his own herthe stene.	110
He barrit the doris and windois fast, He barrit them to the jynne; "Now in the grece of Heuin," said he, "Your excercyse begyn;	115
"There is ne grece nor happynesse For my poor babyis soulis, Until you trye that weirdlye wytch, And rost hir on the colis."	120
"If this be scho," the byschope saide, "This beauteous cumlye May, It is meite I try hir all alone To heire quhat scho will saye."	
"No," quod the lairde, "I suthely sweire None shall from this proceide, Until I see that wycked wytch	125

Brynt til ane izel reide."

The byschope knelit doune and prayit, Quhill all their hayris did creipe; And aye he hoonit and he prayit, Quhill all war faste asleipe;	130
He prayit gain syn and Sauten bothe, And deidis of shyft and schame; But all the tyme his faithful handis Pressit the cumlye dame.	135
Weil saw the lairde, but nething saide, He kenit, in holye zele He grepit for the merkis of hell, Whilk he did ken ful weil.	140
And aye he pressit hir lillye hande, And kyssit it ferventlye, And prayit betweine, for och ane kynde And lufyng preste was he!	
The byschope stappit and sterted sore, Wide gaipen with affrychte, For och that fayre and lillye hande Had turned ane paw outrychte!	145
Ane paw with long and crukit clawis: That breste of heuinlye charme Had turnit till brusket of ane katt, Ful hayrie and ful warme!	150
And there scho satt on lang-settil, With een of glentyng flame, And theye war on the byschope sett Lyke poynter on his game.	155
The byschope turnit him runde aboute, To se quhat he mocht se; Scho strak ane clawe in ilken lug, And throu the rofe did flee.	160

The katt went throu withouten stop Lyke schado throu the daye, But the great byschopis fleschlye forme Made all the rofe gif waye;	
The silyng faldit lyke ane buke, The serker crashit amayne, And shredis and flenis of brokyn stenis Fell to the grunde lyke rayne.	165
The braide ful mone wase up the lyft, The nychte wase lyke ane daye, As the greate byschope tuke his jante Up throu the milkye-waye;	170
He cryit se loude and lustilye The hillis and skyis war riuen; Och sicken cryis war neuir hearit Atweine the yerde and heuin!	175
They sawe him spurryng in the ayre, And flynging horredlye, And than he prayit and sang ane saum, For ane fearit wychte was he;	180
But aye his wayling is fainter greue As the braide lyft he crossit, Quhill sum saide that theye hearit them still, And sum saide all wase loste.	
There was ane herd on Dollar-Lawe, Turnyng his flockis by nychte, Or stealyng in ane gude haggyse Before the mornyng lychte.	185
He hearit the cryis cum yont the heuin, And sawe them bethe passe bye; The katt scho skreuit up hir taile As sayrlye pinchit to flye.	190

But aye scho thrummyt at hir sang, Though he wase sore in thrall, Like katt that hethe ane jollye mouse Gaun murryng throu the hall.	195
That greye kattis sang it wase se sweete, As on the nychte it fell, The murecokis dancit ane seuinsum ryng Arunde the hether bell;	200
The foumartis jyggit by the brukis, The maukinis by the kaile, And the otar dancit ane minowaye As he gaed ouir the daile;	
The hurchanis helde ane kintrye dance Alang the brumye knowe, And the gude toop-hogg rase fra his layre And ualtzit with the youe.	205
The Greye Kattis Sang	
Murr, my lorde byschope, I syng to you; Murr, my lord byschope, Bawlillilu! Murr, my lord byschope, & c.	210
That nychte ane hynde on Border syde Chancit at his dore to be; He spyit ane greate clypse of the mone, And ben the house ran he;	215
He laide ane wisp upon the colis, And bleue ful lang and sayre, And rede the Belfaste Almanake, But the clypse it wase not there.	220
Och! but that hynde wase sor aghaste, And haf to madnesse driuen, For he thochte he hearit ane drounyng man	

Syching alangis the heuin.	225
That nychte ane greate filossifere Had watchit on Etnyis height, To merk the rysing of the sonne, And the blythsum mornyng lychte;	
And all the lychtlye lynis of goude, As on the se they fell; And watch the fyir and the smoke, Cum rummilyng up fra hell.	230
He lukit este, the daye cam on, Upon his gladsum pethe, And the braid mone hang in the west, Her palenesse wase lyke dethe;	235
And by her sat ane littil sterne Quhan all the laife war gane, It was lyke ane wee fadyng geme In the wyde worild its lane.	240
Then the fillossifere was sadde, And he turnit his ee awaye, For they mindit him of the yerdlye greate, In dethe or in decaye.	245
He turnit his face unto the north The fallyng teare to drie, And he spyit ane thing of wonderous maike, Atweine the yerde and skie;	
It wase lyke ane burd withoutten wyng, Rychte wonderous to beholde, And it bure ane forked thyng alang, With swiftnesse manifolde:	250
But aye it greue as neare it dreue— His herte bete wondir sayre! The sonne, the mone, and sternis war gaine, He thochte of them ne mayre,	255

Quhan he behelde ane jollye preste Cumyng swyggyng throu the ayre.	
The katt scho helde him by the luggis Atour the ausum hole, And och! the drede that he wase in	260
Wase mayre than man colde thole;	
He cryit, "O pussye, hald your gryp, Oh hald and dinna spaire;	265
Oh drap me in the yerde or se, But dinna drap me there!"	
But scho wase ane doure and deidlye katt,	
And scho saide with lychtsum ayre,	
"You kno heuin is ane blissit plece,	270
And all the prestis gang there."	
"Oh sueite, sueite pussye, hald your gryp;	
Spaire nouther cleke nor clawe;	
Is euir that lyke heuin abone,	975
In quhich am lyke to fa'?"	275
And aye scho hang him by the luggis	
Abone the ausum den,	
Till he fande the gryp rive slowlye out; Sore was quakyng then!	
	900
Doune went the byschope, doune lyke leide, Into the hollowe nychte;	280
His goune was flappyng in the ayre,	
Quhan he was out of sychte.	
They hearit him honyng doune the deep,	
Till the croone it dyit awaye;	285
It wase lyke the stoune of ane great bom-be	
Gaun soundyng throu the daye.	
All wase in sloomeryng quietnesse,	
Quhan he went doune to hell,	
But seckn an houre wase neuir seine,	290

Quhan the gude lorde byschope fell.

Then cam the smouder and the smoke Up raschyng vilentlye, And it tourackit awaye til heuin Ane gloryous sychte to se;	295
For aye it rowid its fleecye curlis Out to the rysing sonne, And the estern syde was gildit goude, And all the westlin dunne.	
Then the filossifere wase muvit, And he wist not quhat til say, For he saw nochte of the gude greye katt; But he saw ane ladye gay.	300
Hir goune wase of the gress-grene silk, And hir ee wase lyke the deue, And hir hayre wase lyke the threidis of goude That runde her shoulderis fleue.	305
Hir gairtenis war the raynbowis heme, That scho tyit anethe hir knee, And aye scho kemit hir yellow hayre, And sang ful plesauntlye:	310
"I am the Queene of the Fairy Land, I'll do ne harme to thee, For I am the gardian of the gude, Let the wycked be ware of me. "There are seuin pearlis in yonder touir,	315
Their number sune shall wane; There are seuin flouris in fayre Scotland, I'll pu them ane by ane;	
"And the weeist burd in all the bouir Shall be the last thatis taene; The Lairde of Blain hethe seuin dochteris, But sune he shall haif nane.	320

"I'll bathe them all in the krystal streime	
Throu the fairy land that flouis,	325
I'll seike the bouiris of paradyce	
For the bonnyest flouir that blouis,	
"And I'll distil it in the deue	
That fallis on the hillis of heuin,	
And the hues that luvely angelis weire	330
Shall to these maidis be giuen.	
"And I'll trie how luvelye and how fayre	
Their formis may be to se,	
And I'll trie how pure the maydenis mynde	
In this ill worlld may be."	335
The Lairde of Blain he walkis the wode,	
But he walkis it all alane;	
The Lairde of Blain had seuin dochteris,	
But now he hethe not ane.	
They neuir war on dethbed layde,	340
But they elyit all awaye;	
He lost his babyis ane by ane	
Atween the nychte and day.	
He kend not quhat to thynk or saye,	
Or quhat did him beseime,	345
But he walkit throu this weirye worild	
Like ane thatis in a dreime.	
Quhan seuin lang yearis, and seuin lang daies,	
Had slowlye cumit and gane,	
He walkit throu the gude grene wode,	350
And he walkit all alane;	
He turnit his fece unto the skie,	
And the teire stude in his ee,	
For he thocht of the ladye of his lufe,	
And his lost familye:	355

But aye his fayth was firm and sure, And his trust in Heuin still, For be hopit to meite them all agayne Beyond the reiche of ill:	
And aye the teiris fell on the grene, As he knelit downe to praye; But he wase se muvit with tendirnesse That ane worde he colde not say.	360
He lukit oure his left shouldir To se quhat he mocht se; There he behelde seuin bonnye maydis Cumyng tryppyng owre the le!	365
Sic beautye ee had neuir seine, Nor euir agayne shall se; Sic luvelye formis of flesche and blude, On yerde can neuir be:	370
The joie that bemit in ilken ee Wase lyke the risyng sonne; The fayriste blumis in all the wode Besyde their formis war dunne:	375
There wase ane wrethe on ilken heide, On ilken bosom thre, And the brychtest flouiris the worild e'er saw War noddyng owre the bre.	
But cese yer strayne, my gude auld herpe, O cese and syng ne mayre! Gin ye wolde of that meityng tell, Oh, I mocht reue it sayre!	380
There wolde ne ee in faire Scotland, Nor luvely cheike be drie: The laveroke wolde forget hir sang, And drap deide fra the skie;	385
And the desye wolde ne mayre be quhyte,	

And the lillye wolde chainge hir heue,
For the blude-drapis wolde fal fra the mone,
And reiden the mornyng deue.

390

But quhan I tell ye oute my tale,
Ful playnle ye will se,
That quhare there is ne syn nor schame
No sorroue there can be.
395

1816

(From *The Works of the Ettrick Shepherd.* With Memoir of the Author by the Rev. Thomas Thomson. London: Blackie & Son, 1876)